

CIMELIA

Qu

4908

Solicovius

URANŪA


Cracoviae 1574



4908

CIMELIA

S. W. 195



Cim. Qu. 4908.

IOANNIS
DEMETRII SOLKIRE
LICOVII A SOLKIRE
GII SECRETARII
VRANIA:

SIVE COELESTIS ELECTIO.

DNN. STANISLAO ET
BERNARDO MACIEIOVI
IS CLARISS. POLONIAE PA
tricijs, amiciciae & amoris mutui ergo.

S. B. M.



AD SACRVM MVSA-
RVM COETVM.

ANDREAS TRICESIVS.

Magni progenies IOVIS
Coetus Thespiadum sacer,
Plausus innumeros dato,
Nostris exoritur nouum,
Terris sydus, & inclyta
Tollit Sauromatum caput
Vsq; ad sydera gloria,
PRINCEPS belliger ANDIVM,
Summi dotibus ingenij,
Et virtute potens, capit
REGni scepra POLONICI,
Sic illi aurea saecula,
Sub tali redeunt DVCE
Vestro vt numine percitus
Heroa cecinit tuba
Id vates SOLICOVIVS,

VRANIAE ARGUMENTVM.



VM SIGismundus Augustus Rex
Poloniae ex hac vita emigrasset, Iupiter
ter coacto diuum concilio, quidnam
facto optimum esset, deliberat, & cū
regnum omnium curam ad se perti-
nere intelligat, etiam Sarmatici, sibi & dñs omnibus cur-
ram habendam esse decreuit, ne in interregno aliquod
detrimentum capiat. Quærit à Dñs sententiam, quali
Rege regnum hoc opus habeat. Dicunt, Incipit auris-
comus Phæbus: hunc sequitur Mars deus belli: hunc
Mercurius deus ingenij & artium: eum verò argentea
Phæbe. Forte accidit, quòd Saturnus claudicans tar-
dius peruenerat ad concilium, qui, cum animaduerte-
ret haberi Senatū se non expectato, vel potius negle-
cto, grauitè ea de re, cum reliquis dñs exposulat, & si
illud ab aliqua suspitione vel diffidentia profectum sit,
diluit, utq; sibi fidant, illis persuadet, Ostendit suum
par in Sarmatia adiuuanda studium, & fidem verbis
suis, re ipsa se facturum pollicetur. Quod cum fecisset,
non solum recipitur, sed etiam loco digniore collocatur.
Post Saturni orationem, in medium confessum ingre-
diuntur tres deæ, Pallas Iuno & Venus: quæ prælatæ
veniam

veniam, suam quoque sententiam dicunt, suam opem,
auxilia, ac symbola Regi futuro despondent. Quæ qui-
dem Deorum omnium concordia, cum Ioui probares-
tur, decernit, quærendum esse Regem, & omnium consensu Mercurio hanc prouinciam delegat, vt in terras
deuollet, principes ac Reges omnes collustrat, ac talem
quærat principem, qui proximè ad sententiam deorum
accedat. Facit Mercurius, & cum omnes orbis princi-
pes perlustrasset, reuolat ad superos. Fit denuò concursus
deorum ad Iouem: Ibi in publico deorum Senatu
Mercurius, quæ sibi in terris visa recenset: depingit &
quendam Principem non ambiciosus laudibus, cui dat
polydori nomen. Qui postquam finem fecit, conelamant
dñj ac ei regnum censent deferendum esse. Datur
denuò negocium Mercurio, vt deorum nomine & regnum,
& symbola, à singulis dñjs, antea oblata nunc
collata, Iuueni Principi, quem antea laudauerat, deferret.
Dat Iupiter ipse suo & cæterorum omnium nomine regnum,
suo verò tantum iustitiam ensiferam & æquilibrium.
Phæbus famæ & gloriæ ardens studium, veræ
Maiestatis retinaculum; Mars arma Herculeæ; Phæbe
seu luna vigilantiam; Saturnus perseuerantiam, &
graue de rebus iudicium: Pallas sapientiam; Iuno diuitias,
Venus vxorem. Hæc dona Mercurius assumit,
ac ad Principem iuuenem gentis Valesiæ, occupatum
obsidione Roscellæ, perfert: munera per se præclara
verbis adornat, ipse verò ingenium illi inspirat, & linguam.

quam Ae longa oratione ei feliciter eius noui regni gus
bernandi tanquam digito rationem ostendit, & sine dis
cendi facto, statim ex oculis Principi euanescit. Qui ge
nibus in terram abiectis deos veneratur, ac petit, vt res
gnam sibi delatum bene fortunent. Interea Fama e
caelis deuolans, orbem terrarū implet, Sarmatiae Res
gem iam in caelo electum & designatum esse. Quod
vbi Sauromatae intelligunt, ad eum quem fama nuna
ciabat, nuncios mittunt, regnumq; ei deferunt. Cui ves
nienti Gloria mulier immortalis occurit, ac eum iubi
lis immortalibus ei bene precando, ac eum felicibus
omnibus prosequendo excipit. Haec est Vrania sume
ma.



IOANNIS D E M E
T R I I S O L I C O V I I A
S O L K I S E C R E T A R I I
R E G I E
V R A N I A .
S I V E C O E L E S T I S
E L E C T I O .

D N N . S T A N I S L A O E T
B E R N A R D O M A C I E I O V I I S
C L A R I S S . P O L O N I Æ P A T R I C I I S
amicitiæ & amoris mutui ergo.



Amdudum positas in carmina reddie
te vires

Sarmatides Musæ, quibus o latiras
stis in antris,

Quando ego tot terras toties legatus
obibam

Annos tot, terris multum, iactatus & alto?
Reddito Phæbe lyram manibus, curisq; leuato
Sollicitum pectus, vultuq; oriare sereno,
Lucescant nitidi post nubila tempora soles,

Sarmatides

Sarmatiae Regem, postquam mors inuida fudit,
Sismandum Augustum, placida qui pace regebat
Subiectos populos: ac virtus aurea tantis
Pro meritis ad se rapuit, caeloque recepit.
Iuppiter altitonans, sortem miseratus acerbam
Terrarum, aeternos proceres, ciuesque beatos
In sua tecta vocat, Diuorumque atque Dearum
Concilium instituit, veniunt ad tecta frequentes:
Iam pater omnipotens, solio sublimis eburno
Consedit, lentusque oculos fert omnia circum,
Assedere, silent; arrectisque auribus adsunt:
Paulatim hoc sermone Pater tandem ora resoluit,
Augustum, o Proceres, Regem pulcherrima virtus
Corporis exuuiis (aeterna quod lege statutum est,
Omnibus) exemptum, caelestibus intulit astris,
Iam medio nostrum est, terras despectat ouanti
Lumine; at orba gemit, nimio luctuque senescit
Sarmatiae tellus, nostrum est, qui cuncta tuemur,
Et quando nostro pendent mortalia nutu,
Imperia, & Reges terris dare: ne qua tumultu
Vis subito hoc regnum afficiat, turberetque salutem
Orbis terrarum, magnae mihi res ea cura est.
Hoc studium semper vobis, haec unica cura
Caelicolae aeterni mecum: iam dicite quem vos
Sarmatiae regno, regem dignum esse putetis:
Dignum qui sedeat tanti ad fastigia regni.
Conspicitis nostris ibi plenas cultibus aras:

Sigismundus

*oratio Iouis
ad eos*

Sigismundus

Perpetuus

Perpetuò in vestros ibi thura adolentur honores:
Sarmatia & cælo, & terris clarissima, primis
Par regnis, multis præstantior, illa tot hostes
Vndiq; semper habens summa virtute virisq;
Infestas acies, funestaq; bella repressit.
Incipe qui mundi venerandum lampada gestas:

Et dic quæ tua sit sententia, quæ tua sit mens.

hinc sol
Hic ille auratam mulcens per tempora barbam,
Iure, inquit, pater hoc mandas: nam regibus a me
Omne decus venit, omnis honos, & summa potestas:
Libera Sarmaticis optando in Rege facultas
Oris, de nostro tantum modò numine pendet:
Hoc nos debemus populo virtutis amanti,
Debemus regem præstantem lumine nostro:
Cui præ oculis virtus, veri studiumq; decori,
Luceat, vt mea lux: fugiat scel'rumq; latebras.
Horrificam noctem, pudibundaq; munia pellat.
Dedecus vt solum timeat, sit honoris amator,
Lucem amet, & lucem teneat, lucemq; sequatur.

cellia
Hæc vbi dicta, placent, cunctorum oculisq; proba
Contrem-vere Iouis subsellia, & ense corusco (tur)
Surgit Mars, belli princeps & talibus infit.
Mars ego sum, præses belli, armorumq; potestas,
Me sine pax nulla est, sine me Respublica nulla,
Pello hostes, pacem tuor, patriamq; salutem
Conseruo, in uictis adeò duratus in armis.
Si benè consultum cupitis, mea castra sequentem

duratus
Sarmatiz

Sarmatix Regem detis, labor omnis abibit
Incassum, nisi quo creuit, Respublica duret.
Me duce creuit opus, me solo autore manebit.
Sarmatix parta est armis, armisq; vigebit.
Gloria perpetuis; imbelles mœnia ciugunt;
Ferreus ergo Rex, & sit Mauortius heros,
Ocia qui tollat, perdatq; cupidinis artes;
Defidiam ex illis oris depellat inertem.
Omne voluptatum genus arceat, & genus omne
Mollicie, redeat vetus in præcordia virtus,

Dixerat: assurgit Vates Cyllenius alæ
Cui geminæ pedibus cingunt, & tempora Crystæ,
Inq; manu dextra splendebat virga triformis,
Ingenium, scelixq; mihi facundia, dixit,
Est dono supetum, quorum interpretesq; comesq;
Existo, & Regum socius sum, & fidus Achates.
Dotibus ergo meis nisi Rex ornatus ad illud
Accedat Regnum: Vana est sine consilio vis.

At Phæbe excipiens, nisi ait, mea numina Regis
Quicumq; officio fungetur, pronus adoret,
Nullus erit, Cui subridens Cyllenius inquit

Num sic instabilem, variumq; o fœmina noctis
Præses, Vis Regem; tetrus errare tenebris,
Vt tu, per vitam obscurus qui debeat omnem
Cui radians Phæbe; non tu verissimus ille es
Mercurius celer ingenio, verbisq; petulens? (mos
Non varium atq; leuem Regem volo, quod meus est)

B

quæ

Sed

Mercurius

Lima. phæb.

Sed vigilem, noctes qui non edormiat altam
In lucem: stertatq; diu, spumetq; phalernum.
Non decet ignauum tota requiescere Regem
Nocte cui regnum & sunt publica commoda curæ
Ne noctem, obscuret vitijs, sed luce tenebras
Discutiat: votum hoc, ista est sententia nostra.
Mercurius cedens, verba importuna reliquit.

6 *11*
Mercurius
Falciger interea medium progressus in agmen,
Pulsus ab ætherio quondam Saturnus olympo,
Ecquid, ait, sine me sibi vestra volunt, ó amici
Consilia, atq; senem vobis iuuat esse relictum?
Ecquæ tanta tenet vestram fiducia mentem?
Si mihi tarda nimis, sæclisq; effæta senectus
Denegat imperium, seræq; ad fortia vires,
Saturnus sum ait, et sine me Saturnia regna
Quæritis? An mea quæ culpa est: nam quod gero falcem?
Missis adest: quod canus ego, multiscius inde:
Quod claudus, non festinus, gnarusq; pericli.
Falce feco puerum, namq; est inimica iuuentus
Consilij: magno terra æstuat acta furore,
Vos etiam iuuenes præestis cœlestibus oris.
Ergo si senis intrepidi consulta probatis,
Ac gratum est quod ago, regi experientia, nostro
Munere continget. rerum & prudentia summa.
Obstupuere Dii, defixiq; ora tenebant,
Sollicitamq; intrant pauidis noua gaudia mentem,
Et modó qui suspectus erat, turbator & actus

8
Ilius,

Illius, hunc posthac prima in subsellia ponunt.

Mercurio, nimio plausu vox faucibus hæsit.

Rem fore confectam Dii clamauere minores,
Et iam diuersis feriebant vocibus auras,

Vt pater omnipotens voto concluderet actum.

Hic dicenda fuit sententia summa tonanti,
Tres venere Deæ, cuncti quarum ora tuentur
Astrigenæ, augustæ tanta est præstantia formæ.

Pallas prima fuit, magnum IOVIS incrementum,

Vertice nata Dei, lorica pectus opertum,

Casside tecta caput, torquens hastile lacerto.

Gorgoneo vultu, scutumq; insigne gerebat,

At regina Deum, reatrix cæliq; Iouisq;

Et soror & coniunx, cognomine IVNO secunda.

Aurata chlamyde, & crines nodantur in aurum,

Sceptra manu, auratamq; ferens in fronte coronam,

Blandior his Cytherea, Deum genitrixq; sororq;

Ex humero auratis cui plena pharetra sagittis,

Hæ veniam dictis præfata talibus orant.

Quas ante iratas, crudelia bella gerentes

Vidistis superi, concordia pectore vinctas

Aspicitis, liuor cessit, lis tota quieuit,

Nil ita cælestes, decet vt concordia ciues.

Expedit utq; edat concors electio Regem.

Non importuno nos huc ingessimus ausu

Sed tua iussa sumus, rector venerande sequuta.

Est eadem nobis pietas, debemus & ipsæ

B ij

Mulcum

Multum Sarmatiæ, neq; fas est linguere nobis
Sauromatas, fortesq; viros, armisq; potentes,
Subiectos nulli populos, & libera regna.
Ergo pater magno dona, te rege precamur,
Da Regem inuictum, res qualem & tempora poscunt,
Da qualem orantes nunc numina nostra fatigant,
Pallas ego, mecum ratio: sapientia mecum est.
Omnia possideo, mea vis, de te pater alma
Defluxit, diuina mihi & tecum æqua potestas,
TV quem monstraris digito, regemq; notâris,
Participem propriõ faciam, de munere, eumq;
Efficiam sapientem, à primo flore iuuentæ.

Ast ego IVNO potens, diuum regina sororq;
Me nihil & cœlo, & terris scelicius extat,
Per me diuiciæ, per me tribuuntur honores,
Per me immortalis seruatur gloria facti.
In me quicquid erit, quæcunq; potentia nostra est,
Mecum erit iste labor, stat in hoc mihi certa voluntas,
Vt quem designes regno sceptrisq; gerendis,
Huic à me detur de pleno copia cornu. (Deumq;

Non ego blanda VENVS, genitrix hominumq;)
Desero iure meas, non inquit, prodo sorores,
Est eadem mihi mens, in regnum hoc, & fauoridem,
Ast tantum licitis mihi mens in amoribus errat,
Concubitusq; vagos odijs ardentibus odi,
Lege Deumq; hominumq; æqua commertia iungo.
Numinibus certe vetus est injuria nostris,

Quod

Quod me lasciuam, quod me dixere petulcam,
Sum Dea connubii præses, iustiq; hymenæi,
Ergo iure meo Regem præstante puella
Donabo: hanc talem cum virginittatis honore
Connubio iungam stabili, propriamq; dicabo:
Ut secum longos animis concorditus annos
Ducant: & pulchra faciant se prole parentes.

Postquam sic finem dictis Cytherea peregit,
Conticuere omnes, intentiq; ora tenebant,
Iuppiter in caluit, verbisq; silentia rumpit.
Quid cessamus, ait, verbis imponere finem?
Res eadem est vnum studium, par gloria vobis
Nobiscum, sed & à me haud indotatus abibit
Rex hic Sarmatix, quem hodierna luce creamus,
Hunc ego iustitiæ exornabo munere nostræ,
Astræamq; illi sociam, fidamq; cubilis
Custodem dabo. Nil firmum Respub: nouit
Nam sine iustitia, nil sentit terra beatum.

Ergo cœlicolæ postquam concordia vota,
Sunt vobis, verbis quid opus iam pluribus inquit?
Mercurius, nostris qui promptus nutibus astat,
Ille petat terras omnes, volet ilicet Euro,
Quærat sub toto qui sit magis aptus Eoo
Muneribus nostris, qui tantam sustineat rem?
Et qui in se tanti assumat inolimina regni,
Heroes terris, videat, quid agantq; gerantq;
An sibi commissas iustè moderentur habenas;

Num non crudēles, num iusta atq; æqua tuentur,
Num pacem terris reparent, reddantq; salutem
Afflictis? Nondum pater optimus omnia dixit,
Exoritur clamor toto, & nouus ardor Olympo.
Dicta probat, summi diuumq; hominumq; parentis,
Nec mora Mercurius pennis talaria nexus,
Iussa Deum exequitur, terras petit, æthera linquit.
Atq; volans pronus molles vix commouet alas,
Constitit vt terris, oras circumspicit omnes,
Et voluit secum tacite labentis ad vndas
Fluminis ignoti, sibi primum qua sit eundum
Quamq; tenere viam, quas debeat ire per oras,
Mox alios vultus, ac humana induit ora,
Vtq; sit ignotus, formas se mutat in omnes,
Qua pergit, crystam ponit, plumasq; recondit,
Mensis erat, quo prata virent, segetesq; per arua
Luxuriant, & aues concentibus æra mulcent:
CVM genitus Maia, incipiens Aquilonis ab ora,
Aulas heroum totum lustrando per orbem,
Qui ritus, quæ gesta viris, qui deniq; mores,
Impiger explorans animo mandabat auenti,
Quale æstate noua virides dum peruolat herbas
Agmen apum, gustuq; probat, cunctasq; pererrans
Dulcia mella legit, sic diuum nuncius oras
Terrarum varias circumspicit, & celer haurit
Cuncta oculis, vbi comperiat quæ iussa fuerunt,
Iamq; ita perlustrans cunctos ex ordine Reges
Heroumq;

Heroumque domos, mores, incautaque gesta
Orbis pertesus, sublatus in aera magnum,
Remigio alarum nitidis sese abdidit astris.

IVppiter omnipotens, ubi vidit adesse reuersum *Mercurius*
Mercurium, aeternos vocat, ad palatia diuos *is ad Ionem*

Conueniant plures numero, atque sedilia complent,

Hic diuum interpret, vidi pater optime dixit

Terrarum populos, regumque ducumque cohortes,

Ius nullum est terris, nullus virtutibus aequis

Est honor, usque adeo paucos heroica celsi

Vis animi sceptris praestat regalibus aptos,

Austriacam praeter gentem, gentemque potentis

FRancigentium regni cui clara Valesta nomen,

QVos inter princeps fulgentibus acer in armis

Lilifer, insigni fulget virtutis honore,

Dotibus innumeris praestans polydorus ab ipsa

Progenitus matre: hunc metantem Martia castra

His oculis vidi disponentemque cohortes.

Turmarumque Ducem: quem non luxusque Venusque

Non Bachus, ludi, non oblectatio vana

Detinet, at famae studium, rectique bonique,

Numinis & vestri feruens ante omnia cultus.

Quid dubitatis adhuc illi transmitters regnum,

Et tanto heroi donaria mittere vestra?

Iuppiter exclamat, si istum decernere Regem

SArmatia vultis, quem noster praedicat acrem

Nunciis esse virum, componite munera vestra,

Mittamusque

Mittamusq; illi regnum, mora plena pericli est,
Vndiq; nam nostris cinctum esse hostilibus armis,
Insidq; patere malis, concordia sola
Quam seruant dono nostro hæc aduersa repellit.
Atq; vtinam seruent, vtinam cœlestia noscant
Munera, seruabunt & se patriamq; salutem
Sauomata: dixit, fœlicia numina quando
Confurgunt, alacres, promissaq; munera plenis
Dant manibus, certant secum benefacta Deorum.
Iustitiam, pater omnipotens gemina arma ferentem,
Dextra ensem rigidum, læua libramq; intentem.
Ensis erat, defende bonos, & plecte malignos
Inscriptus, fuerant æqualia iura bilanci.
Dat maiestatem Phœbus, dat laudis amorem;
Dat Mars belli fremens arcum, clauamq; tricornem
Amphitryoniadis, generosiq; ora leonis,
Saturnus graue iudicium prauisq; seuera
Ora dat, ast Phœbe vigilantia pectora donat.
TRES diuæ surgunt, quas iam memorauimus ante,
Et sua dona ferunt factis promissaq; firmant,
Dat sapiens pectus Pallas, dat luno sed aurum
Munificus quo sit, meritis quo præmia donet,
Clementem Cytherea facit. tedalq; iugales
Confert: Mercurio traduntur munera lecta
Ille ferat, regem & pronunciet esse creatum.
Tum uero ingeminat clamor, cunctiq; morantem
Instigant studijs, resonat clamoribus æther,

Dij quibus imperium cœli est, a quorum ego nutu
Pendeo, ait, merito mihi vos mandare potestis,
Grata mihi a vobis datur hæc prouincia, gratum
Officium quod ego non impiger exequar, & iam
Sedibus excedo æthereis, terrasq; reuiso,
Ipse dabo ingenium variasq; ex ordine linguas
Inspirabo lubens olli, & nostræ artis amorem.

Hæc fatus, niueas aptauit corpore plumas,
Et data dona legit, moxq; aliger æthera transit.
Haud aliter, cum stella polis ruit igne corusco
Ima petens, lucemq; trahit, post terga sequentem,
Defiliens cœlo sic diuum nuncius alto
Terrarum pronus, celeri petit ima volatu,
Quaq; volat subito post se luce æthera complet.
Sol medium cœli conscenderat igneus orbem,
Cum pone Hesperias labens Cyllenius oras,
Littore in Oceani vestigia candida ponit:
Hic vbi cum Gallis tellus vicina Britannis
Congruit: hic vbi Ruscellum clarissima rupes
Continet, hoc dicunt Rupellam tempore nostro:
Difficiles aditus vix vna parte relinquit,
Cætera pontus habet, muros mare subluit altos,
Hic astare videt, fulgentes ære cateruas,
Stant armatæ acies, glomeratur lecta virum uis,
Quos inter medius Princeps pulcherimus ibat
Acer equo armatus, disponitq; ordine turmas.
Esse o vtinam nunquam Roscella rebellis,

C

Nonue

Neue adeo placidi laxiffes principis ora,
Sed foelix potius, quod signa infesta tulisti
Principis ingenui, qui quantum vincere nouit,
Parcere subiectis, veniamq; precantibus vltro
Ille sciet: secum Deus hæc sub corde volutar,
Et tacitus spectat turmas, tormentaq; circum,
Atq; ducem grandi torquentem hastile lacertos:
Miratur fortem, gemit, ardescitq; tuendo:
Fœlices terras & secula principe tali,
Et foelix regnum, decus hoc cui fata pararunt,
Hoc ille ingeminans suspiria ducit ab imo
Pectore; nam princeps placidissimus abstinet omni
Vi, tantum horroris mandat displodere causa
Tormenta, vt redeant ad cor quærantq; salutem.
Et iam tempus erat, pelagi cum Phæbus in vndas
Mergere vellet equos, iussæ statione relicta
Corpora curatum turmæ in sua castra recedunt:
Regius & iuuenis postquam pro nocte sequenti
Signa dat excubijs, propria in tentoria venit,
Nuncius at diuum sequitur vestigia furtim,
Alloquiturq; prior: Princeps gratissime diuis,
Magnorum soboles regum, quos lilia signant,
Fautores tibi Dñi, te Iuppiter æquus amauit.
Inter & innumeros reges facit esse beatum.
Sarmatiæ regnum tibi dat, mittitq; Coronam,
Regia sceptrâ tibi, motus virtutibus istis,
Quarum laus cœlos pridem penetrauit in ipsos,
Iustitiamq;

Virg ad
C. 1. 1. 1.

10¹

Iustitiamq; sacram, cœlestia munera mittit,
Dat gladium exertum manibus rectamq; bilancem.
Neu tibi quid desit, diui quoq; munera mittunt,
Igneus augustam dat sol tibi maiestatem,
Dat famæ studium, dat veræ laudis amorem
Omnibus vt charus populis & amabilis esses.
Gradiuiq; patris quod primo a limine vitæ
Armisonum numen coluisti pectore toto,
Ista te pharetra donat pulchrisq; sagittis,
Herculea claua, & generosi pelle leonis,
Dat vigilans tibi cor, o Rex argentea Phœbe,
Vt vitium semper pellas virtutibus æquis,
Et noctem vitæ, virtutis lumine tollas,
Peruigil in patriæ noctuq; diuq; salutem.
Saturnus tibi dat mentem sensusq; profundos,
Vt tibi mens constans vigeat toleransq; laborum,
Et tibi terribilem vultum sua dona scelestis
Impertit, quo te timeant, vereantur, adorent,
Mittitur a casta sapientia Pallade, quæ te
Ceu caram sobolem, propria in sacraria ducat.
Diuitias dat, IVNO potens: Venus alma iugales
Dat tædas, placidos generoso & pectore mores.
Hæc sunt quæ Diui tibi mittunt munera Princeps
Magnanime: at quia sum quoq; diuum ex ordine præses
Ingeni, tibi do ingenium, linguasq; parabo
Complures, populi plures tibi namq; regendi.
His opibus fultus commissi munia regni

C ñ

Implebis

8
Implebis prosper, cunctis feliciter annis.
Sensibus hæc imis at iam mandata reponas,
Quandoquidem inuictum diuorum numine regnum
Te manet: vt primum qua sis ab origine cretus
Maioresq; tuos videas & mente reuoluas.
Quis nihil in vita fama præstantius omni
Exitit, & quorum moriturum tempore nullo
Est nomen. Magnum hoc semper sanctumq; tuetor,
Hinc videas qualis sumas moderamina regni
Nam talis regni quod nemo vindice fato
Vnquam compressit bello, legesq; superbas
Ferre dedit, quamuis tot ab hostibus vndiq; cinctum.
Sarmatico nemo est victor dominatus in orbe.
Libertas genti est proprium decus, alterum honestas
Publica, quæ tanquam vinclis & compede dura
Ordine prognatus semper constringit equestri,
Hanc solam propter, metuunt discedere recto.
Non pœnas metuunt, non vincla minacia tantum,
Quantum dedecoris pœnas, infameq; nomen.
At nil te moueat, nullum pariatq; pudorem,
Sarmatiæ niteant, quod paucis mœnibus vrbes,
Nec valde elatas tollant ad sydera pinnas,
Oppida non Lachicis dant propugnacula regnis,
Sunt fortes equitum turma, innumeræq; phalanges!
Quæ decus & regni robur, quæ gloria tanti
Imperij: sunt semper equi, sunt arma, solumq;
Fertile, cum donis Cæteris, tum dulcis Iacchi,
Diues opum & studijs asperrima natio belli.

14
His rebus primum teneri primordia regni
Creuerunt, viresq; aucta, lateq; patentes
Adiuncta regno terra, tot regna, tot vrbes,
Teutonia a terris. Euxini ad littora ponti,
Deinde a Carpatijs, Hunnorum finibus antris,
Vsq; ad Hyperboreas, Moschorum principis oras,
Hos tales populos, hæc tam foelicia regna,
Dicit tibi pridem clementia fata pararunt.
Et nunc te Regem faciunt, statuuntq; beatum,
Pastorem magni populi, regniq; potentis.
Et quamuis varias gentes, populosq; feroces
Tam latum regnum teneat; tamen omnibus illis
Mirandum erga te Deus inspirabit amorem:
Vt de te postquam dicit, mea maxima cura,
Audierint, subito veluti certamine quodam
In te procumbant, in te sua pectora flectant:
Et licet ignotum magno amplectantur amore,
Ignotum poscant, ignoto regia mittant
Sceptra, sibi & Regem te animis ardentibus optent,
Neu quæ fors turbet regnum conspexeris illud.
Hostes hos superi varijs erroribus omnes
Inuoluent, quorum arma, viros, viresq; paratas
Consilijs cassas reddent, spargentq; per auras,
At tu pro donis superum, immortalia contra
1 Numina fac redames, & auitis cultibus aras
Illorum gratus venereris fœdere casto.
2 Dehinc cole iustitiam, tanq̄ matremq; ducemq;

- Præmia ne vicij, pænas virtutibus addas,
 Integer, at sua cuiq; dabis quæcunq; meretur.
- 3 Nec tibi siquæ forte volet noua factio mentem
 Deturbet recto, reliquis infensus vt esses.
 Hoc moneo partis ne sis minus vnus aut plus,
Semper at existas æqualiter omnibus idem.
- 4 Blandifonos fugias Syrenum diue susurros.
 Primum dulce canunt, sed post in Tartara mergunt
 Tristia: sepè nota regum bona nomina turpi
 Commaculant, varia peste, inficijntq; venenis.
 Publica priuatis, & quæq; miserima regnis
 Inducunt, ergo tibi sint ceu lurida pestis,
 Et sæcunda velut soboles Acherontis auari.
- 5 Iam verò laudesq; tuas nomenq; sacratum
 Mollicies tibi non demat, non blanda voluptas
 Eripiat: laudi regum est inimica voluptas,
 Et quicquit sacrum est miseraunda labe prephanat.
- 6 Redde Bolestaos regno, florentia redde
 Sæcula, tolle caput bello, marremq; iacentem
 Excita, & antiquos reuoca fortissimus ausus.
- 7 Sorteq; bellorum posthac feceliciter acta,
 Da placidam pacem terris, regnumq; quietum
 Lætus habere iube, Iouialia sumito rursus
 Arma manu, & placidas regni modereris habenas.
 Cumq; tibi charis, longa potiare senecta.
 Hæc tibi Dñi superi non primum munera mittunt,
 Sed data iam pridem firmant, campumq; parentem
 Ostentant

Ostentant, tibi quo nomenq; decusq; parabis
Perpetuum, & meritum, quali post vltima fata
Ex folio Regum, caeli remeabis in oras,
Cum Dñs aternos foelix habiturus honores.

Talia diuino Cyllenius ore loquutus
Mortalem visum, abrupto sermone reliquit.

At verò iuuenis, sine obstupefactus in ipso,
Ecquid agat, dubitat, cui verbum reddat amicum,
Et cui pro tantis dignas persoluere grates
Debeat oblati: hæc illum cura remorder,
Quòd nemò iam adsit, cognoscere multa volenti,
Et mox deflexis genibus, cum certa putaret
Iam promissa Deum, niueas ad sydera palmas
Tendens, flammato sic secum ex corde profatur.
Non ego me tanto o superi, dignabar honore,
Progenies quamuis magnorum munere vestro
Sim regum, toto præclari sanguinis orbe,
At saltem patriæ natum me, in nostra putabam
Commoda: sed quando sic me ad noua regna vocatis,
Non ego diuitiis tanti, rubricq; lapillos
Æquoris, in sanus facio, nec auarus opum vim,
Quanti nunc per vos oblati munera regni,
Iamq; igitur vestro, cum me foelicia nutu
Regna manent, date finem operi, captoq; labori
Aspirate: meos quò vultis ducite gressus.

Hæc fatur Iacheymans, & nulli visa recenset.
Interea cælo terras it fama per omnes,

*Responsim He
ad superos*

Atq;

Atq; salutaris totum implet nuncius orbem,
In cœlo electum Regem, qui candida gestet
Lilia: qui lasas generosa Lachidos oras
Imperio regat, & populo det iura potenti.
At se prima tamen veteri notissima forma
Sarmaticis infert regnis, vt facta renarret,
Fama bonum, quo non aliud iucundius vllum,
Quid fecere Dñ, qualemq; ex ordine narrat,
Elegere ducem, sceptro regnisq; futuris.
Atq; in eum occultum cunctis inspirat amorem.
SAuromata, postquam venit latissima fama,
Impleuitq; auidas, dictis ardentibus aures.
Instituunt quoq; conuentus, diuosq; sequuntur,
Et faciles precibus superos in vota vocantes
Legibus excelsis parent, superumq; statuta
Accipiunt, Henricum optant de gente Valefa
Concordes, regni ad molimina tanta gerendi.
Non vi compulsi, non vilo munere flexi,
Sed sola laudum fama, cœliq; fauore.
Liuidus & quamuis styghis surrexerat vmbri
Falsa serens rumor, qui vertere candida nigris
Ceperat, atq; animos diris implere venenis,
Sed pater altitonans, collecto nubibus igne
Fulmineo telo sub tartara trudit hiantem
Mortiferas voces, ac tristi carcere claudit,
Turbatos mulcetq; animos, pellitq; timores.
Iam dux Henricus, Rex conclamatur ybiq;

Publica

Publica lætitiæ cunctas dant signa per oras:
Sauromata, lætiq; Deos venerantur amicos,
Et mox legatos, quorum prudentia nota,
Decernunt sancto præstantes octo Senatu.
Conarium primum, Posna qui præsul in vrbe est,
Albertum Lascum, cui virtus bellica clarum
Nomen habere dediti prognatum sanguine claro
Tencinium Comitem: prudentem orisq; diserti
Tomicium: Herburtum veræ virtutis amicum,
Ingenio intactæ penetrantem Palladis arces.
Gorcanum Comitem Andream, cui dulcis in ore
Eloquij vena est, & pulchra modestia vultus
Stanislaum Criscum, præstantem animoq; manuq;
Radiuilumq; Ducem, cultum linguisq; bonisq;
Dotibus ingenij, & pulchris virtutibus acrem.
Quinq; sed ex medio legit ordo, atq; addit equestris,
Firleium iuuenem egregium, naturiq; potenti
Patre Palatino Gracci, pietatis amantem.
Ianium Zamoscum, præclarum dote Mineræ
Dulcisonæ, Latiq; decus, nostrumq; perenne,
Sborosium Ianum intrepidum Martiq; vel ipsi
Terribilem, & placidum quoties opus atq; benignum,
Tomicium iuuenem, quem exornat docta iuventus,
Et placidi vultus, & sunt sine crimine mores,
Pronscum & Alexandrum, cuius Kiouia patre
Clara Palatino viguit, meminitq; trophæa.

Hos omnes in Francigenum Respublica mandat

D

Ire

Legatio missa m
1125.

Ire oras, decreta ferant, Regemq; saluent;
Et secum ad Lachici ducant fastigia regni,

Ac veluti quando sponsæ regione remota
Sponsus abest: gemit illa dies noctesq;, nec hora
Libera, sollicitum gemitu requiescere pectus
Permittit, Sic Sarmatiam nocturna diurna
Cura edit, absente hoc sponso, cui regna dedere,
Quotidie absentemq; oculis animoq; requirunt.
Et quamuis parua est absentia longa videtur,
Longa vel vna dies, lenta maioribus horæ
Procedunt spacij; donec potiantur amato
Principe, qui caelo datus est foelicibus astris.

Ecce autem, in somnis veluti post tædia noctis,
Post curasq; graues, suspiriaq; alta, rubentem
Auroram terris præmittens, omnipatens sol
Exoritur, vultusq; suos spectantibus effert,
Diffugit ex oculis vigilatę noctis imago,
Dispereunt tristes curæ mortalibus ægris,
Et redeunt vires, sanguisq; per ossa cucurrit.

Non secus Henricus venit expectatus in orbem
Lechiadum: iam adsunt densæ, præeuntq; phalanges,
Dispositis volitatur equis, regem esse propinquum,
Certatim occurrunt animi gratantibus omnes.
Respirant cuncti: vitalis spiritus ossa
Imbuit, & vanum deponunt corda timorem.
Spes iam discedit: pro spe res ipsa subintrat,

Et iam intrat medius Princeps pulcherrimus inter,

Tot

nis rex in
ediens Cra
uim urbem.

25

Tot turmas: tot equi, tot signa, tot agmina circum
Miscentur: tuba rauca sonat, clangoribus æther
Intonat: horrendas vulcania fulmina flammæ
Exploſunt: ferroq; nitent, auroq; ſuperbo
Omnia collucent: ſtant aurea Lilia ſupra
Iuncta Aquilis, Litauicq; equitis victricibus armis;
Exultant animis cuncti, ferit ardor Olympum,
Miſtaq; cum lachrymis animos noua gaudia tollunt.

Hos inter fremitus hominum, & ſolennia feſta
Intrantis Regis pompas, amploſq; triumphos
Fæmina diuino vultu, niueoq; capillo
Purpurea palla, tunicisq; nitentibus auro,
Laurea ſerta gerens, manibus palmamq; virentem,
(Nescia forma mori viſa eſt, & nescia vinci)
Cunctorum ſe ſe medijs conſpectibus infert,
Et Regem accedens, vetericq; ex more ſalutans
Talibus affatur dictis, & iubila miſcet.
Gloria ſum tua Rex, ſum gloria veſtra Poloni.
Sum Litauæ, ſum Maſouij, ſum veſtra Boruſſi,
Sum tua Ruſſe ferox, tua ſum Podoline, Volince.
Vos ego, uos omnes cæleſtibus alma recondam
Syderibus, veſtrumq; decus ſuper æthera tollam,
Me quia quæſiſtis, vobis me me ipſa fauentem
Exhibeo, inuentu facilem, quibus aurea virtus
Eſt cordi: qua ſum terris genitrice creata,
Et quos ingenui primus capit ardor honeſti.
Virtus me genuit, virtus nutriuit Olympi

Dij

Sedibus

*Gloria orationis
non in ad*

Sedibus æternis, vobis mea munera largé
Dono, & vobiscum semper victura manebo.
Rex HENRICE huius regni, iam duxq̄, caputq̄,
Expectatus ades populis, regnisq̄ patentis
Sarmatiæ: Tibi plaudit ouans Respublica tota
Christiadum: socij Reges gratantur amico,
Sub tua scepra cadunt, bellum quicumq̄ minantur.
Nulla tuum potuit violare calumnia nomen,
Et non Alecto Stygijs producta cauernis,
Et neq̄ liuor edax, non vana insania pennæ
Infamis, potuit fœlix subuertere fatum,
Quo magis vrgebat liuor, magis ibat in altum
Henrici nomen, cœlos pulsabat & ipsos,
Accensas ita voluebant incendia flammæ.
Regnum igitur varium, studijs concordibus, ad te
Delatum agnoscis, & credita munera sumis.
Expectatus ades cunctis, quos viuida virtus,
Et quos æternæ rapit ad se gloria famæ.

Non tantumq̄ viri, quorum spectabilis ortus
Nobilitate viget, læti tua grata tuentur
Ora, quæq̄ ex minimis plaudunt, plebs infima gaudet,
Et pro te superis persoluit vota benignis,
Innocui pueri gaudent, castæq̄ puellæ
Atq̄ senes tremuli, nuptæ, socrusq̄, nurusq̄.
Aspicio has lachrymas, hæc vota gementia plebis,
Omnia sunt pro te, pro Regis cuncta salute,
O si iam videas animos, si pectora cernas,

Quantus

2
Quantus ibi feruor, quanti grassentur & ignes,
Quantum te Regi superum debere putares
Autori rerum istarum? quantumq; colendam
Iustitiam, qua regna vigent, tibi semper haberes
Ante oculos, clemensq; tuis & iustus vt esses.
Ecce elementa fauent, tibi iam, pro teq; laborant,
Oblatis veros plausus & honoribus addunt.
Annus & is praesens, postquam tua nomina sensit
Ordine constanti tibi iam sua tempora dixit,
Aspera Bruma fuit, ver blandum, aestasq; serena
Fructifer autumnus, large sua dona ministrant.
Te mors seua fugit, quae plurima corpora tabe
Pestifera, ante annum tristi demersit Auerno,
Mors cum peste abiit, tecum redit aura salubris,
Te timer' atra fames, quae pressis dentibus Orci
Lucriferas subito ruit indignata sub umbras.
Iam tecum laetae segetes, tibi consonat aether.
Alma Ceres tibi lata fauet, cumq; vbera vena
Omnia produxit: Tellus, caelumq; profundum
In tua conspirant bona, quo tua commoda firment,
Meq; tibi, nullo morituram tempore, seruent.

Hæc fata exhibuit ramum viridantis Oliuæ
Regi, quem complexa manu est, baccamq; virentem
Crinibus implicuit sacris, quam nec Iouis ignes,
Nec poterunt hostes, nec edax abolere vetustas.
Quo facto in densum heroum se immiscuit agmen.
Dicite Saurōmata, quis iam scelicior isto
Hoc interregnum potuit concludere finis?

ANDREAE TRICESII
EQVITIS POLONI.

AD SERENISSIMUM
ET POTENTISSIMUM PRIN-
CIPEM HENRICVM DIVINA FA-
uente clementia POLONIAE Regem, Magnum Ducem
LITVANIAE, &c.

Carmen, quo illi felicem aduentum ad capessendum
totius Sarmatiae imperium gratulatur.

HENRICE atollas	Directum ad Sydera corn	V
OPTATVS siquidem	Venisti in tempore gent	I
NOSTRAE Diuorum Re	X Augustissime nut	V
DVX Andegauum nuper:	Moderanda Polon	A
INCLYTE sunt maior	A tibi nunc Sceptra: quod ut si	T
GENTI Christiadum felix	Velit arbiter orbi	S
VENISTI lux	Ominibus nitidissima in aru	A
LAETIS Sauromatum,	Rectoris fortis, & ace	R
SCEPTRIGER Imperium	Tot gentibus ecce refertu	M
AUSPICIS ruat	Alie tuis cum gente prophan	A
MOSCORVM ut Princeps,	Violenta & caede profunda	T
IMMANIS Vitam: tua	Sint post omnia uict	I
CANTANDVS tunc	Astropotens erit, inclyta nostr	AB
PRINCIPE te genti	Nata est quod gloria. te quo	D
VICTO re in dulci	Dabitur iam uiuere pac	E
ALTER eris	I deo, celso clarissima done	C
SAVROMATIS erit illa grad	V laus, perdomitor t	V
AMPHITRIONIADES	Monstrorum laude perenni	S

ELOGIO

ELOGIVM

Eiusdem Sacrz & Serenissimæ Maiestatis Regiæ.

Horror	Hyp:boræis	Henricus	Hic	Hofibus	Hercus
Excellens	Erit:	Exornabit	Et	Eubet	Eius
Nobilitate	Nova	Nomen	Nunc	Nobile	Nomen
Rex	Regimen	Rectum,	Ruforum	Rege	Ruente
Inclutus	Imperia	Incipiet	Ioue	Iufta	Iuante
Christum	Corde	Colet:	Christo	Curante	Corona
Victria	Vt	Vigeat	Valefia	Viuida	Virtus
Sauromatū,	Semper	Se-	Sorte	Sequente	Secunda

ALIVD.

Henrico CHRISTVS placidè nunc Lachia clemens.
AVxiliator adest qui tibi semper erit.

CANON.

Construe sic alios quo det constructio versus
Verborum sensus sic tibi planus erit.

*Christus adest placidè, qui nunc tibi Lachia, semper
Henrico clemens auxiliator erit,*

AD IOANNEM DE
METRIVM SOLICOVIVM.

Andreas Triccius.

Diuinum Regem, diuino munere lectum,
Diuine vt vates hic tua Musa canit,
Quamuis ante tibi multum debere fatemur
Propter constantem, mirificamq; fidem,
Atq; tot exhaustos noctuq; diuq; labores
Ingenij magna dexteritate tui:
Non minus hoc etiam debere hunc nomine grates
Iudico promeritas sãpẽ referre tibi,
Talibus ornaris quòd eum, quã perpete viuent
Laude, sacro afflatus numine, carminibus.

AD EVNDEM.

Viue decus patriã SOLICOVI, splendida virtus
Cuius sacratum tollit, in astra caput,
Viue, tuisq; DEUS, meritis æqualia donet
Premia, sic magnos maximus iater eris.

CRAcouiz in officina Scharfenbergiana

Anno 1574.

Dystichon numerale de fuga regis eiusdem
M. D. LXXIII die XVIII Iulij.

Exolat e terris ales cristata polons,
Vt f. v. m. s. i. t. t. e. m. a. s. A. n. o. c. t. e. r. e. s. e. s. s. i. t.

A. DALEWSKI
INTROLIATOR
KRAKÓW
Kopernika 6.

